



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1635. usque ad annum 1643

Fleury, Claude

August. Vind. [u.a.], 1779

VD18 9011888X

§. 13. Varii libelli a facultate Parisiensi Theologica censuris notati.

[urn:nbn:de:hbz:466:1-67406](https://nbn-resolving.org/urn:nbn:de:hbz:466:1-67406)

Romani Pontifices, vel Cardinales agunt, tyrannidem appellant. Præterea Parlamentum, seu sanctior Senatus privilegia huic Academiæ a Rege concessa confirmare, necnon ad acta referre, integris octodecim Mensibus distulit, eoquod vereretur, ne invalescente purioris idiomatis usu barbaræ forensis styli phrasas sensim abolerentur, atque Academia sibi jurisdictionem in Regiam Bibliothecam vindicare, aut Academici emunctæ naris Viri, necnon Regia auctoritate suffulti, Aristotelis doctrinam in Parisina Universitate edicto Parlamenti stabilitam fastidientes, novitates invehere intenderent. Hanc quoque Senatus repugnantiam alii imputabant vindictæ studio in Cardinalem, qui summa auctoritate prævalens crebras Senatui molestias intulerat: Nihilominus urgente ipsius Regis mandato Senatus Regium diploma Mense Julio Anno hujus sæculi trigesimo septimo ad Curixæ tabulas retulit, ea tamen lege, ut Academia nonnisi de idiomate Gallico & de libris ab ea compositis vel eius judicio relictis cognoscendi jure gaudeat,

§ XIII.

*Varii libelli a Facultate Parisiensi
Theologica censuris notati.*

D 2

Die

Sæc. XVII.
A. C. 1635.

*Argente
Coll. Jud.
t. 3. p. 15.*

Die prima Mensis Junii Hieronymus Parentius, & Hieronymus Bachelierus duo Facultatis Magistri in comitiis referebant, se quamplurima animadversione digna in variis deprehendisse libellis: Erant autem sequentes, I. *Miraculosa oratio ad B. V. unacum mensura vulneris in corde Christi Domini.* II. *Index gratiarum & Beneficiorum, quæ Christus Dominus gratis a se ad preces Ven. Ludovicæ Ord. S. Claræ benedictis concessit.* III. *Indulgentiæ Ordini de Mercede a Pontificibus indultæ.* IV. *Regula tertii Ordinis S. Francisci de Paula unacum Bulla Julii II. Papæ.* V. *Synopsis Privilegiorum & indulgentiarum confraternitatis S. Scapularis unacum aliquibus miraculis per S. Scapulare patratis.* Perceptis horum Doctorum relationibus, collectisque octoginta Magistrorum sententiis hos omnes libellos censura notavit facultas, statuitque, ut a prædictis Magistris nominatis Parentio & Bacheliero formula censuræ teneatur, additis propositionibus, quæ in iisdem continentur, exhibitisque earum unicuique censoriis notis, quæ ad ipsam facultatem proximis comitiis referrentur, antequam typis excuderentur.

Sacra quoque Indicis Congregatio die decima sexta Martii anno 1621. eundem libellum de Indulgentiis Ordini de Mercede concessis, donec corrigatur,

rigatur, proscriptit: circa librum vero ^{Sæc. XVII.}
 de confraternitate S. Scapularis Re- ^{A. C. 1635.}
 gius Senatus iudicium sibi soli, auditis
 testibus, reservabat; carpebat autem
 Facultas sequentem inscriptionem Ima-
 ginibus quibusdam inepte appositam:
 Quicumque hoc sanctum Scapulare portave-
 rit, nec in aqua suffocabitur, nec igne com-
 bustus, nec fune suspensus morte afficietur.

§. XIV.

*Proscriptio cujusdam Catechismi a
 Facultate Parisiensi facta.*

Eiusdem hujus anni die prima Au- ^{Argentre}
 gusti quidam Sorbonæ Magistri re- ^{l. c. p. 16.}
 ferebant, quod Bertinus Berthaut Con-
 stantiensis Diæcesis Presbyter librum,
 cui titulus: *Catechismus Confessariorum*
 ediderit, eundemque Magister Patus
 approbari petierit: quoniam vero non
 modo multa inepta & ridicula, sed et-
 iam turpia & obscæna in eo observa-
 rint, hinc Auctorem monuerunt, ut
 abstineat ab illius evulgatione, quan-
 doquidem scandalum potius, quam
 utilitatem parere posset, tam in iis,
 quæ forum internum, quam quæ ex-
 ternum concernunt; qua non obstante
 monitione eundem librum sub appro-
 batione aliquorum Religiosorum Docto-
 rum absque Licentia Facultatis fuisse